



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj:02-011-442 /02
Sarajevo, 20.05.2002.god.

ZAPISNIK

17. sjednice Doma naroda Parlamentarne skupštine Bosne i Hercegovine, održane 29. aprila 2002.godine

Sjednica je počela sa radom u 11,05 sati.

Sjednicom je predsjedavao Nikola Špirić, predsjedavajući Doma naroda Parlamentarne skupštine Bosne i Hercegovine.

Na sjednici je bilo 14 delegata. Delagat Ivo Živković je opravdao izostanak.

Osim delegata na sjednici Doma naroda prisustvovali su: predstavnici Vijeće ministara, predstavnici međunarodnih organizacija, pozvani gosti i predstavnici sredstava javnog informisanja.

Nakon što je utvrdio kvorum predsjedavajući je predložio sljedeći

DNEVNI RED

1. Odgovori na delegatska pitanja i delegatska pitanja
2. Zapisnik sa 17.sjednice Doma naroda Parlamentarne skupštine BiH
3. Izvještaj komisije Doma naroda o usaglašavanju:
 - a) Zakona o klasifikaciji opojnih droga,psihotropnih supstanci, prekursora i biljaka (prvo čitanje),
 - b) Zakona o Agenciji za informacije i zaštitu BiH – predlagač Predsjedništvo BiH (prvo čitanje),
 - c) Rezolucije o politici zdravlja za sve građane BiH – predlagač delegat Ibrahim Spahić,
 - d) Prijedlog zaključka delegata Nikole Špirića da se formira parlamentarna komisija sa zadatkom da ispita zakonski osnov za promjenu strukture imovine Bosne i Hercegovine po osnovu zlata u Banci za međunarodna poravnanja u Bazelu i utvrdi eventualne štete koje su nastale prilikom prodaje zlata i transakcijama sa Centralnom bankom,

4. Izjašnjenje Doma naroda o izvještajima Zajedničkih komisija oba doma o postizanju sporazuma o istovjetnom tekstu, Zakona o upotrebi i zaštiti znaka Crvenog krsta/križa i naziva društva Crvenog krsta/križa BiH,
5. Zakon o upravi – predlagač Vijeće ministara BiH (drugo čitanje),
6. Sporazum o razvojnom kreditu broj 3531 BOS (Projekat tehničke pomoći za privatizaciju) između Bosne i Hercegovine i Međunarodne asocijacije za razvoj – predlagač Predsjedništva BiH,
7. Ugovor između Bosne i Hercegovine i Savezne Republike Jugoslavije o carinskoj saradnji i uzajamnoj pomoći - predlagač Predsjedništvo BiH,
8. Izvještaj o izvršenoj reviziji – podnosilac Ured za reviziju, Institucije u kojima je izvršena revizija su:
 - Državna granična služba
 - Ministarstvo za trezor institucija BiH
 - Ministarstvo za ljudska prava i izbjeglice
 - Ministarstvo za evropske integracije
 - Ustavni sud BiH
 - Regulatorne agencija za telekomunikacije
9. Izvještaj o radu Komisije za vanjsku i trgovinsku politiku Doma Naroda.

Ad-1: Odgovori na delagatska pitanja i delegatska pitanja.

Odgovore na delegatska pitanja su dobili: Šefik Džaferović, Nikola Špirić i Ibrahim Spahić.

Delegatska pitanja su postavili,

Delegat Nikola Špirić

1. Na osnovu kojeg zakona, ili podzakonskog propisa je Vijeće ministara BiH donio odluku o povećanju neto plata ministrima i zamjenicima ministara u iznosu od 840 konvertibilnih maraka?
Da li se po mišljenju Ureda za reviziju radi o kršenju propisa ili o krivičnom dijelu?
2. Na osnovu kojeg zakona ili podzakonskog propisa je Vijeće ministara BiH donio odluku o isplati naknada pojedinim članovima Antiterorističkog tima, i to iz budžetskih rezervi, iako se zna da ni budžet ni Zakon o izvršenju budžeta institucija BiH za 2002. godinu još nisu usvojeni?
3. Zašto odluka o povećanju neto plata ministrima i zamjenicima ministara, odnosno odluka o isplati naknada pojedinim članovima Antiterorističkog tima nisu objavljene u Službenim glasnicima?
4. Kolika je šteta nanesena Bosni i Hercegovini prodajom zlata i naknadnim transakcijama sa Centralnom bankom BiH (konverzija dolara u euro)?
5. Hoće li, i kada, Vijeće ministara BiH od Antiterorističkog tima zahtjevati da o svojim aktivnostima informiše Dom naroda Parlamentarne skupštine Bosne i Hercegovine?

Izaslanik Sejfudin Tokić:

Koje je obrazloženje Vijeća ministara da tri puta potpuno mjenja suštinu svog prijedloga Zakona o raspodjeli sredstava sukcesije, te da kontinuirano u proteklih šest mjeseci daje kontradiktorne izjave o potrebi korištenja ovih sredstava?

Izaslanik Turjačanin Goran

Koji su principi i pravila protokolarne aktivnosti Ministarstva vanjskih poslova BiH u vanjskopolitičkom predstavljanju Bosne i Hercegovine na parlamentarnim sesijama npr, Vijeće Evrope – « ko je stariji, zakonodavna ili izvršna vlast » u protokolarnom smislu?

Izaslanik Ibrahim Spahić

Kada će predsjedavajući Vijeća ministara Dragan Mikerević odnosno Vijeće ministara dostaviti program mjera ekonomske politike BiH za 2002. godinu.

Ad-2: Zapisnik 16. sjednice Doma naroda Parlamentarne skupštine Bosne i Hercegovine.

Jednoglasno je usvojen zapisnik 16. sjednice Doma naroda Parlamentarne skupštine Bosne i Hercegovine.

Ad-3: Izvještaj Komisije Doma naroda o usaglašavanju:

- a) **Zakona o klasifikaciji opojnih droga, psihotropnih supstanci, prekursora i biljaka (prvo čitanje),**
- b) **Zakona o Agenciji za informacije i zaštitu BiH – predlagač Predsjedništvo BiH (prvo čitanje),**
- c) **Rezolucije o politici zdravlja za sve građane BiH – predlagač delegat Ibrahim Spahić,**
- d) **Prijedlog zaključka delegata Nikole Špirića da se formira parlamentarna komisija sa zadatkom da ispita zakonski osnov za promjenu strukture imovine Bosne i Hercegovine po osnovu zlata u Banci za međunarodna poravnanja u Bazelu i utvrdi eventualne štete koje su nastale prilikom prodaje zlata i transakcijama sa Centralnom bankom,**

a) Zakon o klasifikaciji opojnih droga, psihotropnih supstanci, prekursora i biljaka.

Kako Kolegij Doma naroda nije nije postigao saglasnost u drugom krugu se glasalo ko je iz entiteta protiv. S obzirom na to da se više od 2/3 delegata iz Republike Srpske izjasnilo protiv, Zakon je odbijen.

b) Zakon o Agenciji za informacije i zaštitu BiH

Kolegij Doma naroda nije postigao saglasnost o Zakonu. U drugom krugu u se glasalo ko je iz entiteta protiv. S obzirom na to da se samo jedan delegat iz Republike Srpske izjasnio protiv, Zakon je usvojen u prvom čitanju.

c) Rezoluciju o politici zdravlja za sve građane BiH.

Kako Kolegij Doma naroda nije nije postigao saglasnost u drugom krugu se glasalo ko je iz entiteta protiv. S obzirom na to da su se manje od 2/3 delegata iz Republike Srpske izjasnili protiv, Rezolucija je usvojena.

d) Prijedlog zaključka delegata Nikole Špirića

Kako Kolegij Doma naroda nije postigao saglasnost u drugom krugu se glasalo ko je iz entiteta protiv. S obzirom na to da se više od 2/3 delegata iz Federacije BiH izjasnilo protiv, Prijedlog zaključka nije usvojen.

Ad-4: Izjašnjenje Doma naroda o izvještaju Zajedničke komisije oba doma o postizanju sporazuma o istovjetnom tekstu, Zakona o upotrebi i zaštiti znaka Crvenog krsta/križa i naziva društva Crvenog krsta/križa BiH,

Dom naroda je jednoglasno usvojio izvještaj Zajedničke komisije o postizanju sporazuma o istovjetnom tekstu Zakona o upotrebi i zaštiti znaka Crvenog krsta/križa i naziva Crvenog krsta/križa BiH a time je usvojio i Zakon.

Ad-5: Zakon o upravi – predlagač Vijeće ministara BiH (drugo čitanje),

U raspravi su učestvovali: Momčilo Novaković, Nikola Špirić, Ivo Divković, Dragutin Rodić i Halid Genjac.

Svi amandmani koje je podnio delegat Momčilo Novaković upućeni su na usaglašavanje, osim Amandmana V koji je odbijen.

Nakon rasprave Zakon je upućen Kolegiju na usaglašavanje.

Ad-6: Sporazum o razvojnom kreditu broj 3531 BOS (Projekat tehničke pomoći za privatizaciju) između Bosne i Hercegovine i Međunarodne asocijacije za razvoj – predlagač Predsjedništva BiH,

U raspravi su učestvovali: Nikola Špirić, Halid Genjac, Ivo Divković, Dragutin Ilić, Ibrahim Spahić, Momčilo Novaković, Goran Turjačanin, Jerko Ivanković i ministar za Vanjsku trgovinu i ekonomski razvoj Azra Hadžiahmetović.

Dom naroda je dao saglasnost za ratifikaciju ovog Sporazuma.

Dom naroda je sa 10 glasova za i 2 uzdržana glasa usvojio zaključak kojim se obavezuje Ministarstvo vanjske trgovine da u saradnji sa Ministarstvom trezora institucija BiH i entitetskih ministarstava finansija utvrdi program i dinamika povlačenja kreditnih sredstava po tranšama i prioritetima, plan realizacije tih sredstava, kao i angažovanje stranih eksperata sa definisanim rokovima izvršenja.

Ad-7: Ugovor između Bosne i Hercegovine i Savezne Republike Jugoslavije o carinskoj saradnji i uzajamnoj pomoći - predlagač Predsjedništvo BiH,

Dom naroda je jednoglasno dao saglasnost za ratificiranje ovog Ugovora.

Ad-8: Izvještaj o izvršenoj reviziji – podnosilac Ured za reviziju,

Institucije u kojima je izvešena revizija su:

- Državna granična služba
- Ministarstvo za trezor institucija BiH
- Ministarstvo za ljudska prava i izbjeglice
- Ministarstvo za evropske integracije
- Ustavni sud BiH
- Regulatorne agencija za telekomunikacije

U raspravi su učestvovali: Jerko Ivanković, Ivan Miletić, Halid Genjac, Nikola Špirić, Ivo Divković, Ibrahim Spahić i Halid Genjac.

Dom naroda je jednoglasno usvojio sve Izvještaje Ureda za reviziju za svaku institucija Bosne i Hercegovine za 2000. godinu.

Uz izvještaj o izvršenoj reviziji Ministarstva za trezor Dom je sa 10 glasova za i 2 uzdržana glasa usvojio zaključak delegata Halida Genjca koji glasi: Dom naroda poziva Vijeće

ministara da što hitnije pripremi i u parlamentarnu proceduru dostavi « Zakon o nabavkama robe i ustupanja radova».

Ad-9:. Izvještaj o radu Komisije za vanjsku i trgovinsku politiku Doma naroda.

U raspravi su učestvovali: Ibrahim Spahić, Nikola Špirić, Dragutin Ilić i Goran Turjačanin.

Dom naroda je većinom glasova usvojio izvještaj o radu Komisije za vanjsku i trgovinsku politiku Doma naroda.

Sjednica je završena u 15,30 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
dr. Nikola Špirić